

Ngā Hū Papai O Tāne-Pōtiki

nā Tere Ngāwai Gilbert


Kahukura

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. He tamaiti tēnei e ngākaunui ana ki tēnei mea te hū, ahakoa nō wai te hū. I tētahi rā ka kite ia i ngā hū o āna moemoeā.



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te tīmatanga ki te mutunga o te pānui.

Kōreroreroatia te pai o te whakamau i ngā kākahu me ngā hū nō ētahi atu tāngata. He aha pea te uruparenga o te tangata ki tētahi atu e pīrangi ana ki te mau i ōna kākahu, hū rānei i a ia e tākaro ana?

Pātaihia mēnā kua whiwhi te ākonga i ētahi tino hū. Mēnā ka riro i a ia ngā hū o āna moemoeā, ka pēhea aua hū?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;

- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. Nō wai ngā hū pīrangi ai a Tāne-Pōtiki ki te mau?
2. He aha i kore ai e roa tāna mau i ngā hū o tōna matua?
3. Ko ngā aha ōna tino hū?
4. He aha tōna whānau i whakaae ai kia mau ia i ō rātou hū?
5. He aha te take pea i pērā ai tōna kaha pīrangi ki te mau i ngā hū o ētahi atu?

1. Nō te whānau.
2. Nō te uaua ki te hīkoi i roto i aua hū.
3. Ko ngā pūtu kōwhai me te tohu *Rama* i runga, nō *Sade* i mua.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He āta titiro, he tautuhi i ngā kupu tūāhua mai i te pukapuka.

He whakatakinga ā-roto, he whakaharatau

I mua i te pānui i te pukapuka, tonoa te ākonga ki te whakaaro ki ngā kupu mō ngā momo hū rerekē me ngā kupu ka whakamahia pea hei whakaahua i aua momo. Tonoa te ākonga ki te whakaahua i ētahi o ōna ake hū.

Matapakia te take i pai ai ki te tamaiti te mau i ngā hū o tētahi atu. Mēnā ka pīrangi tētahi teina ki te whakamau i ngā hū o tōna tuakana, he aha pea te kōrero a te tuakana?

Kia oti i te ākonga te pukapuka te pānui, whiriwhiria ngā take e tukuna ana a Tāne-Pōtiki e ngā tāngata o te whānau ki te mau i ō rātou hū.

Ki ngā whakaaro o te ākonga, he aha pea ngā take i pai rawa atu ai o te ao ngā pūtu kōwhai me te tohu *Rama* i runga ki a Tāne-Pōtiki. Pātaihia te ākonga ko ēhea o ngā hū i roto i te kōrero ōna tino hū.